



Газет 2001-йисан
ноябрдилай акъатзава

РД - дин Докъузпара райондин общественно-политический газет.
Общественно-политическая газета Докузпаринского района РД.

Эренлардин СЕС

№33 (807) 16-Август, арбе, 2017-йис. Почтамтдай зур йисан кыммет - 226 манат

Дагъустандин баркаллу хва

(Нажмудин Самурскийдин 125 йис)

Чи районэгли Нажмудин Панагъович Самурский 1892-йисан 27- сентябрдиз Къурушрин хуьре чубандин хизанда дидедиз хъана. Панагъанни Зиниятан хизанда ам аялрикай чӀехиди тир. Адалай гуьгъуьниз вад вахни са стха хъхъана. Бубади хва лап гъвечи чӀавадай чубанвилини четин зегъметдал желбна. Гъеле цӀуд йис тамам жедалди бубади ам вичихъ галаз Азербайджанда авай къишлахрал куьмекчи яз тухуз хъанай. Дагъви гада викӀегъди, уьткъемди яз чӀехи жезвай. Къисметди жаван а чӀаван административный ва медениятдин центрайрикай сад тир Ахцегъиз акъудна. Ана 1861-йисалай инихъ Дагъустанда сад лагъайди тир светский мектеб кардик квай. Нажмудиназ урус мектебда кӀелун хуш тир. Къастунал кӀеви, вири чириз кӀандай гададиз ина урус чӀалал кӀелиз-кхъиз амайбурулай хъсандиз чир жезвай. Географиядай, тарихдай, арифметикадай, литературадай сифте чирвилер къачузвай. И мектеб Нажмудина цӀувад йиса авайла акъалтарна. Нажмудин гъяркъуь къуьнер авай, ацӀай якӀарин, туьме, къуватлу жегъил яз чӀехи жезвай. Адаз кӀелунар давамардай еке ашкъи авай. 1906-



йисуз суьргъуьннавай имидин хва Садикъахъ галаз ам Иркутскдиз акъатзава. Ана ада кӀвалахни ийиз, горно-технический училищедани кӀелна, ам инкъилабчи фӀаейрин арада большевикрин идеярихъ галаз таниш хъана. Къурушви гадади къуд йисуз училищедани кӀелна, Лендин къизилдин мяденрани зегъмет цӀугуна. 1915-йисуз Нажмудин Кавказдиз хквезва, Бакуда ада Мирбалаеван нафтӀадин мяденра тӀимил хийир гузвай са гъвечи участокдин зеведишвал ийизва. Ина ам тӀвар-ван авай большевикрихъ галаз таниш хъана.

Англиядин къушунар Бакудиз гъахъайла, Нажмудин гимидаваз Астрахандиз фена. И чӀавуз Н. Эфендиеван 27 йис тир. Ина ам Г. Орджоникидзедихъ, С. Кировахъ, Н. Наримановахъ ва маса деятелрихъ галаз мукъувай таниш хъана, абуруз уьткъем, таъсиблу къурушви гзаф бегенмиш жезва, адал Кавказдин ревкомда отдалдин XI лагъай армиядин информациядинни разведкадин отдалдин начальникдин везифаяр тапшурмишзава. Гъа армиядихъ ва ревкомдихъ галаз Н. Самурский Порт-Петровскидиз, Темир-Хан-Шурадиз хквезва. Гъам Астраханда, гъам Дагъустанда Н. Самурский жавабдар гзаф къулулугърал хъана. Н. Гоцинскийдин мятеж кӀаник кутунин ва Дагъустандикай Дагъустан авунин карда Нажмудин Самурскийдин лайихлувилер лап къетӀенбур ва зурбабур я. 1920-йисан сентябрдиз Г.К. Орджоникидзеди Н. Самурскийдиз жавабдар буйругъ гузва: мятежникер терг авун. «Квез буйругъ гузва, - кхъанай ада, - и чар агакънамазни тади гъалда Гунибдиз рекъе гъата ва бунт



пуърчуйкьарунин политикадин терефдиз регьбервал це...» 1920-йисан октябрдилаь Самурский партизанрин дестейрин военный комиссар тир ва ада военный гьерекатра активвилелди иштиракна. Муьжуьд вацра ам дагьлара Граждан дяведин цаярин яца, кьве вацра 500 аскер галаз недай суьрсет, патронар агакь тийиз, душманди элкьурна кьунвай Хунзахдин кьелледа хьана. Самурскийдин алакьунар себеб яз кьелени хвена, Гоцинскийдин бунтни пуърчуйкьарна. Женгерин операцияр агалкьунралди кьилиз акьудунин карда Н. Самурскийдин гьунарлувилериз РФ-дин гьукуматди виниз тир кьимет гана: ам Женгинин Яру Пайдахдин кьве ордендиз лайихлу хьана. 1926-1927-йисара чилеризни цериз талукь реформа тухуникди дагьлух хуьрерихь кьишлахрин майишатар хьун патал дуьзен чкайрани чилер жедайвал авуна. 1921-йисуз Дагьустан законсуздаказ

Россиядинни рагь экьечИдай патан областдик кутунай. Н. Самурскийдилаь вичин зурба авторитетдалди, кьеви кьастуналди ДАССР-дин статус арадал хкиз алакьна. Дагьустан яшайишдин ва экономикадин жигьетдай виликди тухунин карда Н. Самурскийди электрофикациядин месэладиз ишлаки еке фикиргузвай. Гьавилай гьавурдик квай регьберди Дагьустанда индустриядин бине тир «еке энергетика» виликди тухунин рехь кьуна. 1927-йисан январдиз ДАССР -дин ЦИК –динни СНК-дин сад авунвай заседаниедал Гергебилдин ва Ахцегьрин ГЭСар эцигунин месэладиз кишигнай. Кье «Дагэнеггодин» работникри хиве кьазвайвал, абуру гилани Самурскийдин планрайни проектрай кьвалахзава. Нажмудин Панагьовича кьил кутуналди республикада промышленностдин са жерге чехи объектар эцигна. Кьвед лагьай пятилеткадин йисара

гуйгьуьна амай Дагьустан индустриядинни колхозрин республикадиз элкьвена. Дагьларин уьлкведин меденият, искусство вилик финин кардикни, комиссиядин председатель яз, ДАССР –дин Конституция туькьуьруникни (1937-й.) Самурскийдин еке пай ква. Адан гьиликай «Дагьустан», «Дагьустанда граждан дяве» ва маса ктабар хкатна. 1933-йисуз Н. П. Эфендиева диссертация хвена. Ам Дагьустанда сад лагьайди яз, тарихдин илимрин кандидат хьана. 1938-йисан 1-августдиз Н. Самурскийдиз кьилин жаза гана ва гьа юкьуз ам гьуьлеламишна. 1956-йисан 2-июлдиз СССР-дин Верховный суддин коллегияди Н. Самурский тахсир квачирди яз тестиькарна. Ам чи лезги халкьдин кьилин винизвал ва руьгьдин мягькем ярж яз ама.

Шагьбала ШАГЬБАЛАЕВ

Нажмудин Самурскийдин кьуллугьрин дережаяр

1920-йис, апрель - Дагревкомдин составдиз хкяна;
1920-йис, май - Дагревкомди Н. Самурский кьенепатан крарин отделдин зеведишвиле тайинарна;
1920-йис, сентябрь- Г. Орджоникидзеди Самурскийдал Н. Гоцинскийдин бунт явашарунин ва алудунин везифаяр тапшурмишна;
1921-йисан декабрь – Самурский Даг ЦИК-дин председатель;
1922-1923-йисара- Н. Самурский Октябрдин революциядин тиварунихь галай кьанал эгьуьнин

рекция Кьилин штабдин начальникдин заместитель;
1923-1928-йисара- Самурский ДАССР-дин ЦИК –дин председатель, гьа са вахтунда СССР-дин ЦИК-дин ва ВЦИК –дин член;
1924-йис, ноябрь – Н. Самурскийдин председателвилик кваз Дагьустанда «Савадсузвал квадра» общество тепкилна;
1934-1937-йисара – ВКП (б) –дин Дагьустандин обкомдин 1-секретарь;

Осман МЕГЬАМЕДРАГЬИМОВ

Нажмудин Самурскийдин 125 йисан юбилейдиз талукьарна

Дагьустандин сифте регьбер
Вакай хьана, кьурушви хва.
Гзаф миьхи тир ви тегьер,
Чан кьуллугьда арушна, хва.

Кьулчумахьрин аксина, на
Тухуз хьана женгни саваш.

Абур туна менгина, на
Азадна халкь кесиб - яваш.

Итимвилел чехи тивар гьай,
Сулейманан дуст я сифте
Чехиди я на кутур пай
Машгьур хьуник жуван уьлкве.

Нажмудин я сифте алим
Чи дагьларал экв кьукьуьрай,
Кьурушдин ГЭС- кьулайвал, чим...
Дагьларизни рехь туькьуьрай...



Сифте хъсан, эхирдай пис
ГьакI жерид я инсан -дустар.
Хаинари тухвай «силис»-
Чин алачир хъана астIар.

Самурский ама сагъ яз,
Чи зигиндин хъана дувул.
Ам чи кьилел ала рагъ яз,
Ам чи руьгъдин хъанва кье кьул!

Дагъустандин сергьятра надир ва сейрек тебиатдин гуьмбетар тир: дуньядада виридалайни еке, кьилди акъвазнавай кьумадин кIунтI (бархан) Сары - Кум; Россияда тек ва тешпигъ авачир субтропикрин лиановый там (Самурдин там); Сулакдин каньон – вир (Буйнакский район), ам Колорадодавай вирелайни дериня; Кутс - «Эоловый шегьер» (Хив район). Ам тажарин ва дестекрин жуьреда акъвазнавай дагъларин кIусар я. Къарадагъдин кIакI, алаз «Аламатдин варарни» лугъузва; Кеферпатан Кафказдин дагъдин вир - Казенойам, Аймакадин дере (Чечнядин Республика), ам дегъ девирдин тарихдалди девлетлу я. Ана 100 метридила кьилихъ ва агъуз чарчарар ава. Дагъустанда тарихдин ва медениятдин гуьмбетарни хуьз алакнава. Виридалайни магьирбур – Дербентдин кьеле Нарын - каладин душмандикай хуьдай цларин имарат (4-асир), Къакъан

Дагъларин уьлкведин надир ва сейрек чкаяр

дагъдин кьеле - хуьр Къала – Корейш (9-асир), Къумух хуьруьн Жумя - мискIин (13-асир) ва маса чкаяр кардик ква. Чи республика гьилин сеняткарвилин устадвилелни машгъур я. Месела, Кубачида кьизилдин риз авай шейэр, цурун нехишар гъазурун дебда ава. Балхарда кхьинар ва нехишар алай хъенчIин къапар, кIарабдин ва гимишдин алатар гъазурзава. И сеняткарвилин ирсни несилрилай несилралагакъарзава. Дагъустандин сумахрин ва халичайрин чешнеяр Нью-Йоркдин, Париждин, Монреалдин, Миландин, Токиодин музейра гьалтзава. Чи республикадин сергьятра 18 музей кардик ква. Гъа жергедай яз, Гьукуматдин саднавай тарихдинни архитектурадин музей ва халкьдин гьилин сеняткарвилин, медениятдин музей. Дагъустандин Конституциядин Югъ-26-июль чи халкьарин милли сувар яз гъар йисуз кьейдзава. «Оц бай» (яцар кутIундай), сифте хвал тухудай суварни шад гьалара кьиле тухузва. Буйнакс шегьер Шура-Озень вацIун кьармахда, Махачкаладивай 46

километрдин яргъа ава. 2001-йисан гьисабунралди, ана 60 агъзур агъали яшамиш жезва. И шегьердиз «Дагъларин варар» лугъузва. Гьакъикъатдани, инай вири дагълух районриз рекъер физва. 16-асирдин эхирда таланчи Тимурленга ина лагерь, акъваздай чка туькIуьрнай. Ахпа и чкадал Темир-Хан-Шура хуьр арадал атана. Гъеле 1866-йисуз алаз шегьердин дун (статус) ганай. 1921-йисалди аникай Дагъустандин меркез хъанай. Ахпа адаз революционер У.Буйнакскидин гьуьрметдай тIвар хгана. Дагъустандин Кеферпата, куьгъне Терекдин чапла кьерехда, Махачкала шегьердивай 130 километридин яргъа Кьизляр шегьер экIя хъанва. Алаз шегьердин дун (статус) 1735-йисуз гана. Ам чехирар хкудай Россиядин санайидин куьгъне центр тир. Ина Кизлярдин коньякрин завод ва чехиррин заводар кардик квай. Шегьерда П.И.Багратионан – 1812-йисан Ватандин дяведин Игитдин уьмуьрдихъ галаз алакъа авай тарихдин чкаярни тIмил туш.

Вадим АГЪАМУРАДОВ

Юбилей

Мана авай кьисметдин иеси


Гъабибов Аливсет Мердалиевич 1947-йисан 15-августдиз Докъузпара райондин КIелетрин хуьре дидедиз хъана. Ада хуьруьн муьжуьд йисан мектеб куьтягъна, ахпани Миграгърин юкьван школада кIелун давамарна. Рехъ яргъалди, яшайишдин шартIар четинбур тиртIани, Аливсета вири татугайвилер эхна. Гена мектебдихъ галай интернатдикай кьулайвал кьачузвай... 1966-йисуз мектеб куьтягъна; кIелунихъ, чирвилерихъ ялзавай зигинлу жавандиз куьтработниквилин рехъ хъсан акуна. Аливсета агалкьунралди

имтигъанар вахкана, ам Дербент шегьердин куьтпросветучилищедик экечIна. Вахтар кьез алатна, 1970-йисуз А. Гъабибова училище акъалтIарна. Жегьил пешекардиз сифте, гъавичи юкьван мектеб куьтягъай Миграгърин хуьре, кIвалахун кьисмет хъана. Ина А. Гъабибова кьве йисуз зегьмет чIугуна ва хуьруьн кIелчийрин патай вичиз хуш-рафтарвилин майилар къазанмишна. Эхиримжи 47 йисан девирда куьтурадин работникди, зегьметдин ветеранди хайи хуьруьн библиотекада зеведишвилин

везифаяр тамамарзава. Аливсет Мердалиевичаз 2009-йисуз яргъал йисара медениятдин хиле чIугур бегьерлу зегьметдай «Дагъустан республикадин куьтурадин лайихлу работни» лагъай гьуьрметдин тIвар гана. Ам КIелетрин хуьруьн библиотеказин зеведиш хьиз, датаIана уьмуьрдин цIийивилерикай, агалкьунрикай, агвалатрикай хабар гузвай, гьил-гьилеваз кхьизвай хуьруьн мухбирни я. Гъа са вахтунда Аливсет



Гябибова журналистикадихъ галаз сад хъиз, рассказар, гыкаяяр, очеркар, шиирарни теснифзава. И кар «Шалбуздагъдин манияр» твар алай ктабди успатзава. Ана шаирдин, шиирар, рассказар, фикирар, келимаяр, гьатнава. 2011-йисуз яргъал йисара журналистикадин хиле зегьмет чIугур Аливсет Россиядин журналистрин Союздин членвилени къабулна. Аливсет Гябибован 70 йисан юбилейдихъ галаз сад хъиз, ам уьмуьрдин юлдаш Гябибова Айишадихъ галаз санал яшамыш жезни 45 йис хъанва. И вахтунда абуру санал 4 хвани, 2 руш сагъ-саламатдиз хвена, чIехи авуна. Абуру чпин рухвайривни, рушарив



кIелиз туна, шегьре рекъел акъудна. Виридаз мехъерарна, чпиз кIвалюгъ кутуна яшамыш жедай агъвал

гана. Мана авай къисметдин иеси хъанва ам! «ЭС» газетдин редакциядин коллективди чи активный мухбир ва шаир Аливсет Гябибоваз вичин уьмуьрдин 70 йисан юбилей рикIин сидкъидай мубаракзава:

Къуй ви чандин сагъламвал хъурай, дуст, мягкъем,
Къузьувиллин, начагъвиллин татурай валтIем.
Вун дустариз играми я,
хуьзва на вафа,
Ви гуьгъуьлдин лув акъаз хъуй шадвиллин цава!

Шагьбала ШАГЪБАЛАЕВ

Аливсет Гябибов

ЖУВАКАЙ

Пудкъанни шуд йисни гила хъанва зи,
Заз акI жезва, им заз акур ахвар хъиз.
Ахвар туш им гъа! Жигерар канва зи,
За ахъайда, акI жеди квез, махар хъиз:

И яшда заз уькIуь-цуруд акуна,
Гъам-хажалат агъзур жуьре зегьметар.
Гъар са кIвалах рикI, гутуна авуна
ГъакI тирвилляй, гъанач жувал туьгьметар.

Икъван яшар, фикир гайила, самбар я.
(РикIел хкваш, аял вахтар алагай!)
Ярар -дустар акъаз зи рикI къумбар я,
Сефил йикъар алудиз зав агагай.

Келзавайдаз шегьре рекъер къалурна,
Заз уьмуьрда четинвилер акурла.


Рекъел агай фитнечияр чукурна,
РикI гъапа къаз, чина за хъвер къугъурна.

Къуншидин дерт жуванди яз къуна за,
Гъавилляй къил дагъдин пел хъиз рехи я.
Мелер хъайила, жуван карни туна за,
Гуз хъана куьмек, зи рикI акъван хци я!

Яхщурни вад йисуз сана кIвалахна,
Къуллугъна за элдиз жуван алахъна.
Са кардани хъанач лавгъа ва темпел,
Масадакай агай кас туш я зун хъел.

Мал -девлетдихъ зун садрани каллугнач,
Багъ кутуна, кIвал эцигна хуьре за.
Гъич са касни дуьз рекъелай алуднач,
Инсанвал за мягкъем хвена хиве зи!

СДК-дин дарамат цийи хъувуна



Къалажух хуьруьн СДК-дин (хуьруьн медениятдин кIвалин) дарамат тамамдаказ ремонтна, цийи хъувунва. Къейднавай СДК-дин дарамат хуьруьнвияр патал ял ядай, машгъул жедай макан я. ГъакIни и дараматда хуьруьн ктабхана, Россиядин почтадин чкадин отделение кардик ква.

Къейд авун важиблу я хьи,



Къалажух хуьряй тир тежрибалу устларри – Намир Эмирова, Наibuллагъ Гуьлнезорова, Сомин Агавердиева, Зуьребег Балакъадашева, Федрудин Яхьяева ва масабур рементдин къвалахар тайин вахтунда ва ерилуодаказ къилз акъудна. Къилди лагъайтла, дараматдин къав дегишарна, вири

помещенийрин куьгъне ракларар ва дакларар цийибуралди эвезна. Са гафуналди, СДК-дин куьгъне дарамат, гъам винел патан акунрай, гъамни къене патай чир техжедайвал дегиш хъанва.

Ремонтдин къвалахар райондин медениятдин управленидин начальник Белгер

Бабаева вичин гуьзчивилик кутунвай.

Тамамвилелди ремонтна цийи хъхъанвай СДК-дин дарамат ачухуниз гъазур я.

Куругъли ФЕРЗАЛИЕВ

Велосипедрал алаз-сейр

«Къегъалрин рекъеваз» - ихьтин твар алаз велосипедистрин циргъ Докъузпара райондиз мугъман хъана. Абурун руководитель, Россиядин лайихлу путешественник Константин Сергеевич Мержоева суьгъбетзавайвал, экспедициядин членар 12 касдикай ибарат я. Абуру Ватандин Чехи дяведин йисара къуд лагъай Кубанский казакрин артиллериядин корпусдин аскерар феи рехъ тикрарзава. Экспедициядин членар алай йисан 13-июлдиз Краснодарский крайдин Кушевская станицадила юзана. Вири а крайдай экъечIна Абхазиядиз, ахпа Владикавказдай яна Грузиядин ва Азербайджан Республикайрин сергъатрай чи Докъузпара райондиз атана. Рехъ гъалунал рикI алайбуру тамам са вацра, велосипедрал алаз, къве агъзур километр рехъ атIана. Гила абурун мурад Базар-дуьзюь дагъдал экъечIун я...



Велосипедрал алаз сейрзавайбуру са вацра мадни ватандиз хъфин патал рекъе хъжеда. Абуру Дагъустандин сергъатрай экъечIна, Калмыкиядай яна, Ставропольский крайдиз ва анай Краснодарский крайдиз хъфида.

13-сентябрдиз ана Краснодарский крайдин 80 йисан юбилейдин шадвилер къейддайвал я.

Шагъбала ШАГЪБАЛАЕВ

НАСИГЪАТДИН КЪИСА

Акъулла къек

Чувудрин тайифадикай са инсанди Сулейман пайгъамбардиз, салам хъурай адаз, лагъана:

- Я Аллагъдин пайгъамбар!

Вуна аз гъайванрин чIал чир ман.

- Эгер ваз гъайванрин чIал чириз къанзаватIа, за ваз ам чирда. Амма вуна идан жигъетдай гъич садаз хъайитIани лагъайтIа, вун гъасятда рекъида! – лагъана пайгъамбарди.

- Куьне аз чира, за садазни

чуькъач, - лагъана инсанди.

- Хъуй ман. Ингъе за ваз гъайванрин чIал чирна, - лагъана пайгъамбарди.

А инсандиз са бугъани ва са лам авай. Юкъуз ада абурув къвалахиз тазвай. Няни хъайила, ам тевледиз фена абурун вилик векъ эцигна.

Ламра бугъадиз лагъана:

- Къенин векъ зав вахце. Эгер вуна векъ тIуьн тавуртIа, несиди вун

начагъ хъанва лагъана фикирда ва вун къвалахиз тухудач. Гъа и жуьреда вун къвалахдикай хкатда. Пака лагъайтIа, за вав жуван векъ вахгуда.

Адаз жаваб яз бугъади векъиз тIиш авунач. Гъайванрин суьгъбет ван хъайи неси хъуьрез башламишна. Адан папа адавай жузуна:

- Вун вучиз хъуьрезва?



- ГьакI, са шейни авач, - лагъана итимди.

Гуьгъуьналлай йифиз ада бугъадин ва ламран вилик мадни векъ эцигна. Бугъади ламраз лагъана:

- Зав накъан бурж вахце.

Гишин ва галат хъанвай за, няналди гуж-баладалди эхна.

- Ваз вуч хъанватIа, чизвачни? - лагъана ламра.

- Вуч хъанва, - жузуна бугъади.

- Накъ йифиз чи иеси къасабчидин патав фена ва лагъана: «Зи бугъа начагъ хъанва. Ам амайдалайни яхун тахъанмаз вуна ам тукIуг». Вуна са кIус къван эх хъия. Къе мадни жуван векъ заз хпе. Пакамахъ къасабчи атайла, адаз вун яхун хъанваз аквада ва вун тукIвадач. Гъа и жуьреда вун къутармиш жеда. Эгер къе йифиз вуна тIуьртIа, ви руфун ацIайди хъиз аквада ва къасабчидиз вун хъсан хвенвайди хъиз хъана тукIвада. Ваз кичIе жемир, за вав къве йикъан векъ вакгуда.

Ламра лагъай гафариз жаваб яз, бугъади къил хжажна векъиз гъич килигни авунач. Гъайванрин суьгъбет ван хъайи иесиди хъуьрез башламишна. Хъуьрезвай гуьл



акур папа адаз лагъана:

- Я вуна заз вучиз хъуьрезватIа лугъуда, я туштIа зун вахъ галаз чара жезва.

- АкъалтIар! Эгер за вучиз хъуьрезватIа ваз лагъайтIа, зун гъясътда рекъида, - лагъана итимди.

- Заз вуч ава къван! КъейитIа, рекъида! - лагъана папа.

Итимди лагъана:

- АкI ятIа, вуна заз чарни цIакулдин къелем гъваш. Сифте веси кхъида, ахпа за вучиз хъуьренатIа, лугъуда, - лагъана

итимди.

Дишегълиди чарни цIакулдин къелем гъана. Гуьлуь веси кхъиз башламишна. И вахтунда дишегълиди кицIиз са кIус фу вегъена. Амма кIекре кицIелай алудна фан кIус вахчуна. КицIи кIекрез лагъана:

- Вуна адалатсуз амал авуна. Вуна вучиз зи фан кIус вахчуна? Вавай жуваз маса тIуьн акваз жезва, амма чавай гъар вуч хъайитIани нез тежезвайди ваз чизва.

- Чи иесидиз рекъиз кIанзава. Ам къейила ваз тIуьн бул жеда. Амма эгер чи иесиди вичин паб рази авун патал вич къейитIа, адан къиникъ себеб яз чи къефес пуд юкъуз ачухдач. Чи иеси ахмакъ къван аку! Зи патав кIуьд верч гва. Зи сирерикай абуру садани завай суал ийизвач. Эгер зун чи иесидин чкадал алайтIа, за жуван паб, ада туба ийидалди гатадай.

КIекрен гафар ван хъайи иесиди гъиле тIвал къуна, вичин паб гатаз башламишна, та ада «Хъана, хъана, мад за садрани хабар хкъадач» лугъудалди.

Насигъат

Итим хизандин чешне хъун чарасуз я. Папаз вичин чка чирунин карда, итимди чIехи роль къугъвазва. КIвалин сагъиб гъелбетда, итим я. Ада лагъай гаф, кIвале закон я. Гъелбетда, адан гафар Къуьрандихъ ва Пайгъамбардин, салам ва хийир-дуьа хъурай адаз, Суннадихъ галаз къадайбур хъун лазим я. Амма гъайиф хъи, алай аямда гзаф пай

хизанра, гъукум дишегълийрин гъилера гъатнава. Абуру лагъайтIа, чпиз кIанивал алукIзава, кIанивал рахазва, кIани чкайриз физва... Итимрин ва дишегълийрин арада тафават амукъзавач. Са бязибур чпин гуьулерин «къамарилай» физва.

Бедендал алкIанвай парталар, иллаки шалварар алай, гадайрин

къечIемар акъуднавай, машиндин ролдихъ ацукънавай дишегълияр мукъвал-мукъвал туьш жезва. Идан себеб, жилавар буш къунвай итимар я. Итимдихъ вичиз хас жуьрэтлувал тахъайла, гъа ихътин нетижаяр винел акъалтзава. Им жемият къулухъ ялзавай делил я.

Али-гъажи ЭМИРСУЛТАНОВ

Прокуратура против коррупции...

Генеральная прокуратура Российской Федерации является организатором проведения VIII Всероссийского конкурса социальной рекламы «Новый взгляд», который реализуется с 2009 года Межрегиональным общественным фондом «Мир молодежи». Целью проведения указанного мероприятия является

предоставление возможности молодежи выразить свое отношение к значимым социальным проблемам современного общества. Темой настоящего социального конкурса является - «Прокуратура против коррупции».

Работы на конкурс принимаются до 29 сентября 2017 года. Официальная церемония награждения финалистов и

победителей проводится в Генеральной прокуратуре Российской Федерации и она будет приурочена к международному дню борьбы с коррупцией (9 декабря). Полный перечень анонсирующих материалов размещен на официальном сайте конкурса: <http://tvoykonkurs.ru/about/docs>.



Сообщая об изложенном, и в целях привлечения к участию в конкурсе максимального числа представителей молодежи в возрасте от 14 до 30 лет, прошу Вас организовать и обеспечить

распространение соответствующих анонсирующих материалов в СМИ, размещении их в образовательных организациях, на объектах наружной рекламы и в местах массового скопления граждан.

О результатах прошу сообщить в прокуратуру района не позднее 05.09.2017г.

Прокурор района, старший советник юстиции: М. НАЗИРОВ

К сведению граждан!

Федеральным законом от 21.07.2005 № 98-ФЗ «О внесении изменений в Федеральный закон «О днях воинской славы (победных днях) России», 3 сентября объявлено Днем солидарности в борьбе с терроризмом.

В целях консолидации различных слоев российского общества в деле противодействия терроризму, формирования неприятия идеологии насилия и во исполнение пункта 17 Плана мероприятий Антитеррористической комиссии в Республике Дагестан по реализации в 2017-2018 годах Комплексного плана противодействия идеологии

терроризма в Республики Дагестан, предлагается организовать и провести общественно-политические, культурные и спортивные мероприятия, посвященные памяти жертв актов терроризма, а также сотрудников спецслужб и правоохранительных органов, погибших при исполнении служебного долга.

В образовательных организациях:

провести школьные линейки, классные часы, уроки памяти и мужества; на официальных сайтах школ разместить сочинения, рефераты - суждения, фотографии; провести родительские

собрания с участием сотрудников силовых структур, общественных деятелей, представителей традиционных религий.

Отделу ФК и спорта и молодежной политики провести в детских и молодежных центрах конкурсы агитационных материалов, плакатов, рисунков на асфальте настенных граффити.

Организовать спортивные турниры, фестивали и первенства, приуроченные к памятной дате.

Зам. главы МО «Докузпаринский район»: С. ГАДЖИМУРАДОВ

Шагьбала ШАГЪБАЛАЕВ

Хипен цимил

(поэмадиз гъахьун)

Темен гана са ругулди
цимилдиз
Лагъана икI: «Вун я чIулав
къзил зи!»
Етим тир ам- аял еке гуж
акур,
Адан хиве гьатна вири
буржар къур
Бубади-хва чIехи хьунухъ
патади,
Амма вучда, къена буба
ажалди?!
Бурж къачунни, бурж вахгун
чи адет я,
Адакай къил хкуд авун лянет
я!
Сифте колхоз тешкилнавай
йисар тир,
Эцигнавайдини Кирован
тIвар тир.
А вахтара язавай тагъма
яцариз,
Рекъем алай, вични пакван
тIвалариз.
Халкъдин сиве ихьтин чIалар

амазма,
А чIалара гъакъикъатни
авазва:
«Яшамшрай Кирован
колхоз,
Чан аламаз яцран къвал
куз»...
Хусият амачир а вьеда,
Кулак, фекъи тергнавай чи
уьлкведа.
Лежбер шагъ тир чилин,
чубан –чуьллерин,
Зегъметдин руьгъ, гъевес
квай чи эллерик.
Ципуд-цукьуд йисни
хьанвайди итим тир,
Яшайишдин рекъел алай
лигимдиз.
Рагъибани гъиле вичин лаш
къуна,
Хипен бармак къилел-гуя
таж къуна.
Ам такабур лишан тушни
дагъвидин?!
Хьянавай килигна вич

еридиз
Шалбуз дагъдин, Шагъ
дагъларин кIеви тир,
Хуш яз рикIиз а хесетар
лезгиди
Чахъ къиметлу руьгъдин
жамал, ирс хъанай,
Мисал гъанай тушни- «Хипе
йис гъана
Сабур хвейи, техвей шегъре-
чIар гъана»
(«Хеб» лагъайла, са низ ятIа
тIар хъана.)
Фикирзава Рагъиба икI
хипекай,
Хиялар я адан михьи ипекар:
Валай паклу гъайван авач
алемда,
Вун дагъларин, вун
чахмахдин цIелхем я.
Вири уьмуьр са ви рекъиз
бахшда за,



Жуван диде сефилдиз тач хьи
за. Ам эвленмиш хъана рушал
Буржар кІвалин кьилел алай
вахгуда, кьуншидин,
Малдарвилин бегьер вилик
тухуда. Берекатдин муг кутуна
Гъуькуматдин суьруьяр
кьуй кьалин хьуй, ашкьиди.
Вири эхда- кьуй зи уьмуьр
четин хьуй! Мехъерик кьуйл ийидайла
Зегъмет чІугваз, затІ гьйда за
арадал, Итимвилин ери хьайи
Вахтар кьведа гьа шишерни
чрадай! Бесмедин...
Хеб-илим я, туштІа за кьез,
авамар, Гьар са инсан вич кьисметдин
Тарс гуда хьи, кІвачел алай
шаламар»... сагьиб я,
Рагъиб, вични, гуя хеб хьиз
аквазвай, кесиб я?!
Вири хипен парталда ам
авазвай. Етимдикай итим хъана кьаст
Кьвалал алай чантани тир
хамунди, авай.
Анжах, тек, са кфил авай
нацунди. Хцикайни алим хъанва маст
Вахтар фена дявоярни алатна,
Ам зегъметдин фронтдавай,
галатнач. Адахъ галаз физва зунни
Акатна ам харарикни Кьурушдал,
марфарик, Гьамамдин яд- гьекьни хъана
юрфарик. патал вун!»-
Гьар виш хипен кьилиз виш
кІел атана, Шалбуздин,
Лапагдилаь гьар пуд кило сар
твана. ИкІ лагъайла, аялдин шел
Гьукуматдиз якни гана, хьукьвазва
нисини, Ватан ширин я, гьавурда
Бурж вахгана-бубади тур аквазава.

Абдулкеримова Бесенханум Мирзевалаевнадиз стха, Завир
Шагьисмаиловичаз яран стха
АЛИ МИРЗЕБАЛАЕВИЧ
кечмиш хьунихъ галаз алакьалу яз РД-дин хуьруьн майишатдин ва
суьрсетдин министр К.С. Абасова башсагьлугъвал гузва.

Абдулкеримова Бесенханум Мирзевалаевнадиз стха, Завир
Шагьисмаиловичаз яран стха
АЛИ МИРЗЕБАЛАЕВИЧ
кечмиш хьунихъ галаз алакьалу яз «Докъузпара район» МО-
дин Кьилин везифаяр вахтуналди тамамарзавайди тир А.М.
Алискерова ва райондин Собраниедин депутатрин корпусди
башсагьлугъвал гузва.

Абдулкеримова Бесенханум Мирзевалаевнадиз стха, Завир
Шагьисмаиловичаз яран стха
АЛИ МИРЗЕБАЛАЕВИЧ
кечмиш хьунихъ галаз алакьалу яз «Эренлардин сес»
газетдин редакциядин коллективди башсагьлугъвал гузва.

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:

Докъузпара райондин
администрация,
Дагъустан Республика

Учредитель:

Администрация Докузпаринского
района, Республика Дагестан

Кьилин редактор:

Э.А.ГЪАЖИБЕКОВ

Жавабдар секретарь:

А.Э. ЭМИРСУЛТАНОВ

Хуси корреспондентар:

Ш.О. ШАГЪБАЛАЕВ
К.Н.ФЕРЗАЛИЕВ
В.С.АГЪБАМУРАДОВ
З.Э. МЕДЖИДОВА

Корректор:

Ш. ШАГЪБАЛАЕВ

Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чапзавай вахт - 17:00

Тираж 1200

Редакциядинни макъалайрин
авторрин фикирар сад тахьун
мумкин я. Макъалайрин делилрин
дуьзвилини патахъай жвааб
авторри чни гуда. Макъалайри
рецензия гузвач ва абур элкьвена
вахкузвач. Мадни, чпин
макъалайра дегисвилер тунал,
кьилер дегисарунал рази тушир
мухбиривай чна абур
редакциядиз ракъур тавун
тІалабзава.

Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докъузпара
район, Усугъчай хуьр,
тел.8 (8269) 22-345
e-mail:
gadzhibekov77@mail.ru
Наи сайт: www.erenlar.ru